

SCRIPT OF EVENING GOJRI NEWS BULLETIN 12MAY 2025

1700HRS

اونینگ گو جری نیوز بلیٹن مورخہ 12 مئی 2025

یوہ آکا شوانی جموں ہے باغ علی طاہر تے نصرت تیں خبر سُنو۔

HEADLINES

۱۔ وزیر اعظم نریندر مودی اج شام ۸ بجے قوم سنگ خطاب کریں گا بھارت غو کہنو ہیجے اُس غی لڑی پاکستانی فوج غے خلاف نہیں بلکہ دہشت گرداں تے اُنکا ٹانچہ غے خلاف تھی۔

۲۔ وزیر اعظم مودی نے اعلیٰ وزیراں این ایس اے سی ڈی ایس تے تریاں فوجاں غا سربراہاں سنگ میٹنگ منعقد کی ہے۔

۳۔ لیفٹیننٹ گورنر منوج سنہا نے بی ایس ایف اہلکار تے ڈاکٹر حسین غی رہا ش گاہ غو دورو لاغے اُنکا کنبہ سنگ تعزیت کی ہے جہیڑا پاکستان غی بلا اشتعال فائرنگ مانہ شہید ہو گیا تھا وزیر اعلیٰ عمر عبداللہ نے گولہ باری تیں متاثرہ پونچھ غو دورو لاغے اُت بنکراں غی تعمیر غی ضرورت ور زور دتو ہے۔

۴۔ بھارت تے پاکستان بشکار ہوئی فائر بندی غے بعد بند کیا گیا بھارت غا 32 ہوئی اڈاں نانہ فر تیں کھول دتو گيو ہے۔

۵۔ ویراٹ کوہلی نے ٹسٹ کرکٹ تیں سبکدوشی غو اعلان کردتو ہے۔

PM

وزیر اعظم نریندر مودی اج شام ۸ بجے قوم سنگ خطاب کریں گا استوں پہلاں وزیر اعظم مودی نے نویں دلی مانہ اپنی رہا ش گاہ ور اک اعلیٰ سطحی میٹنگ غی صدارت کی ہے دہشت گرداں غے خلاف پاکستان تے مقبوضہ کشمیر مانہ کی جان آلی اوپریشن سندور غے تحت کارواں غے بعد وزیر اعظم غو قوم سنگ یوہ پہلو خطاب ہے۔

DEFENCE BRIEFING

ڈی ریگٹر جنرل آر پریشن مارشل اے کے بھارتی نے اج کہیو ہے جے بھارت غیلر لڑی دہشت گرداں تے اُنکا ٹانچہ غے خلاف تھی جدکہ پاکستانی فوج غے خلاف اُن غی کوئی لڑی نہیں تھی اُن گو کہنو تھو جے یاہ افسوس غی گل ہے جے پاکستانی فوج نے دہشت گرداں غے خلاف بھارت غی لڑی مانہ مداخلت کرتا واں اُنکی لڑی لڑی جس غی وجہ نال بھارت غی مسلح افواج نانہ مجبوراً جواب دتو پیو۔ نویں دلی مانہ میڈیا غا نمائندہ سنگ اک بریفنگ مانہ رمارشل بھارتی نے اوپریشن سندھور غے دوران پاکستان غی سول آبادی تے فوجی ٹانچہ نانہ کہتوں کہٹ نقصان پُجان بارے تفصیلی جانکاری دتی اُنہاں نے اس کارواں غے دوران فوج بحریہ تے فضائیہ گا اثاثاں نانہ مسلح دستاں غی طرفوں پرتال ور مشتمل تے مربوط دفاعی نظام غا استعمال بارے جانکاری دتی۔ ڈی جی اے او نے دسیو جے اسی بہترین فضائی دفاعی نظامانہ کئی قسماں غ اکثر پرتی اے ڈی سینسر تے ہتھیاراں ور مشتمل نظام شامل ہیں تے پالیس امداد غی وجہ نال مضبوط ہوو ہے جس غی مدد سنگ جدید ترین ہتھیار حاصل کرن مانہ مدد مل سکی ہے۔

PM MEET

وزیر اعظم نریندر مودی نے نویں دلی مانہ اپنی رہائش گاہ ور اک اعلیٰ سطحی میٹنگی صدارت کی ہے اس اعلیٰ سطحی میٹنگ مانہ وزیر دفاع راجناتھ سنگھ وزیر خارجہ ڈاکٹر ایس جے شنکر قومی سلامتی غا صلاحکار اجیت ڈوبال چیف آف ڈیفنس سٹاف جرنل انل چوبان فوج غی تریاں شاخاں غا سربراہ تے کئی ہور دوجا سننیر عہدیداراں نے شرکت کی ہے۔

LG VISIT

لیفٹیننٹ گورنر منوج سنہا نے بی ایس ایف غا کانسٹیبل دیپک چنگا خام نانہ خراج عقیدت پیش کیو ہے جنہاں نے آپنی ڈیوٹی انجام دیتا واں شہادت پیش کی ہے وے آر ایس پورہ مانہ بین العوامی سرحد ور پاکستان غی طرفوں کی گئی بلا اشتعال فائرنگ مانہ زخمی ہو گیا تھا تے بعد مانہ ۱۱ مئی نانہ زخماں غی تاب نہ لاتاں واں شہید ہو گیا لیفٹیننٹ گورنر نیجمن مانہ کھیری گراں مانہ پاکستانی گولہ باری مانہ شہید ہوا ڈاکٹر حسین غی رہائش گاہ غو وی دورو لایو تے اُن غا کنبہ سنگ تعزیت غو اظہار کیو اُنہاں نے ڈاکٹر حسین غا کنبہ نانہ بر ممکن امداد گو وی یقین دوايو۔

CM POONCH

جموں کشمیر غا وزیر اعلیٰ عمر عبداللہ اج پونچھ ضلع غا اُن لوکاں تیں ملن واسطے پُجیا جہیرا پاکستان غی گولہ باری تیں متاثر ہوا ہیں اُنہاں نے سرحدی علاقاں مانہ بنکر بنان غی ضرورت ور زور دتو تانجے لوک محفوظ رہ سکیں پونچھ ضلع مانہ سبتیں زیادہ 20 ہلاکت ہوئی ہیں جدکہ مجموعی طور ور 27 افراد غی جاں گئی ہے تے 50 تیں زیادہ لوک زخمی ہیں یوہ واقعہ اُس وقت پیش آیو جس بھارت نے 22 اپریل نانہ ہوا پہلگام حملہ مانہ 26 افراد غی موت غ ویدلو لین واسطے آپریشن سندھور غے تہت پاکستان تے پاکستان مقبوضہ کشمیر مانہ ۹ دہشت گرداں غا ٹھکانہ ور حملہ کیا وزیر اعلیٰ غے نال اُن غا مشیر ناصر اسلم وانی تے ایم ایل اے ایجاز جان وی موجود تھا۔ اُنہانے پونچھ غا علاقاں گو دورو کیو اُنہاں نے خاص طور ور امریک سنگھ تے امرجیت سنگھ غا اہل خانہ تیں ملاقات کی تے تعزیت پیش کی۔ وزیر اعلیٰ نے سرنکوٹ غا علاقہ غو وی دورو کیو تے سرحدی علاقاں تیں منتقل ہویا لوکاں تیں وی ملاقات کی تے وزیر جاوید راناں نے وزیر اعلیٰ نانہ انتظامیہ غا اقدامات غا بارا مانہ دسیو۔

JAMMU UPDATE

جموں کشمیر کل رات پُر امن رہیو تے کنٹرول لائن تے بیناالعوامی سرحد ور بھارت تے پاکستان بشکار کسے قسم غی دشمنانہ کارروائیاں غی خبر نہیں ہے اس بارے بھارتی فوج نے اج سویرے جانکاری دتی اپنا اک بیان مانہ فوج غو کہنو تھو جے حالیہ دنیاں مانہ گزشتہ رات پیر امن گزری ہے۔ واضح رہ جے بھارت غی طرفوں گزشتہ ۷ مئی نانہ اوپریشن سندھور غے تحت پاکستان تے پاکستانی مقبوضہ کشمیر غا ۷ دہشت گردانہ ٹھکانا نانہ نشانو بنایو گیو تھو یاه کارروائی پہلگام دہشت گردانہ حملہ غا پس منظر مانہ کی گئی تھی اس غے بعد پاکستان غی طرفوں کیا گیا بھارت غے خلاف حملاں گو موثر جواب دتو گیو تے ایس غیبعد بار آئے

روز دواں ملکاں دین ور اتفاق ہو گیو تھو تے اس ور شام 5 بجائیں عمل درآمد شروع ہو گیو حالانکہ اس غے بعد وی بار آلی رات پاکستان غی طرفوں فائر بندی غی کُج جگہاں ور خلاف ورزی کی گئی تھی۔

PAKISTAN FACT CHECK

بھارتی حکومت نے پاکستانی فوج کا حالیہ بیان نامہ چوتھ قرار دتو ہے جس نامہ کچھ بھارت کا چینلاں اور الزام لایو گیو تھو کہ انہاں نے بھارتی ہوائی اڈہ غی تباهی غو اعتراف کیو ہے سرکاری اطلاعاتی ادارہ غی فیکٹ چیک یونٹ نے واضح کیو ہے کہ پاکستان اپنی عوام نامہ گمراہ کر رہی ہے تے چوٹھی ویڈیوز غے زریعے گمراہ کن خبر پھیلا رہی ہے۔ گزشتہ روز پاکستان کا ڈی جی ایس پی آر نے ذرا عی بلاغ نامہ تفصیلی معلومات دیتا واں بھارتی نیوز چینلاں غی ایک ترمیم شدہ ویڈیوز دسی جس نامہ صرف ایک چھوٹھو سو حصو دسیو گیو جد کہ اصل ویڈیو نامہ صاف نظر آریو ہے کہ بھارتی نیوز چینلاں نے پاکستانی ہوائی اڈہ غی تباهی غی خبر دتی تھی۔ سامعین اس نازک وقت نامہ جد پاکستان سماجی میڈیا اور چوٹھی خبر پھیلا رہیو ہے ہر خبر نامہ اچھی طرح جانچ غے بعد ہی یقین کریں اگر تم نامہ ایسی کوئی مشکوک معلومات نظر آوے تاں فوراً پی ای بی فیکٹ چیک اور رپوٹ کریں یا پھر وٹس اپ اور وی شکایت درج factcheck@pib.gov.in نمبر 8799711259 یا ایمیل ای ڈی کراسکیں۔

AIRPORTS

بھارت تے پاکستان بشکار ہوائی فائر بندی غے بعد بھارت نامہ بند کیا گیا تمام اڈاں تیں ہن سول جہازاں غی آؤ جتاں فوری طور اور بھال کردتی گئی ہے اس توں پہلاں سرکار غی طرفوں جاری کیا گیا اک حکم نامہ غے تحت اس مہینہ غی ۵۱ تاریخ توڑی ان تمام 32 ہوائی اڈاں تیں سول اڈاناں اور روک لادتی گئی تھی اپنا اک بیان نامہ ایر پورٹ اتھارٹی آف انڈیا غی طرفوں مسافراں کہیو گیو ہے جے وے بکھ بکھ ر لاینز غی اڈاناں بارے براہ راست جانکاری غیخاطر ان غی ویب سائٹ تیں تازہ جانکاری حاصل کرلیں۔

ISRO

اسرو کا چنیر مین ڈاکٹر وی ناراین نے کہیو کہ ملک غی سلامتی نامہ یقینی بنان واسطے 10 سیٹلائٹ دن رات کم کر رہی ہے انہاں نے گزشتہ روز اگر تلا نامہ کالج آف فشریز کا ایک پروگرام نامہ کہیو اگر ہماپنا ملک نامہ محفوظ رکھنو چاویں تاں ہم نامہ اپنا ۷ ہزار کلو میٹر لمہ سمندی سرحد اور نظر رکھنی وے غی۔ انہاں نے کہیو کہ سیٹلائٹ تے ڈرون غی ٹیکنالوجی غے بغیر ہم برا سارا کم نہیں کرسکتا۔ اسرو غی سیٹلائٹ وزیرت عوام غی مدد واسطے کئی اہم کم نامہ انجام دے رہی ہ جسران کہ کھیتی باڑی دور بیس غے بڑھائی دور تیں علاج ٹی وی نشریات، موسم غی خبر دینو ماحول غو جٹا یزو لینو کھان پین غی نگرانی تے ملک غی حفاظت کر رہی ہیں۔

HIGHWAY

جموں سرینگر قومی شاہراہ اور گڈیاں غی آمدرفت دوپہر تیں بحال کردتی گئی ہے ضلع رام بن کا ماروگ علاقہ تیں ملہ صاف کرن تیں بعد یوہ فیصلو کیو گیو سرکاری حکام غے مطابق ہلکی گڈیاں نامہ جموں تیں سرینگر دوہے طرفوں چلن غی اجازت دتی گئی ہے تے پاری گڈیاں نامہ صرف وادی تیں جموں جان غی اجازت دتی گئی ہے۔ عوام تیں گزارش ہے اپنی لین نامہ ریں تے سفر تیں پہلاں ٹریفک کنٹرول یونٹ رام بن تیں سڑک غی صورتحال غی تصدیق ضرور کریں۔

MY BHARAT

مرکزی وزیر مملکت برائے کھیڈ مقابلہ رکشا نکھل کھڈسے نے اج پٹنا مانہ زرعیع ابلاغ سنگ گلکرتا واں کہیو ہے کہ اُن غی وزارت غو مننو ہے کہنوجواناں غو وکست بھارت ۲ ہزار 47 بنان مانہ اہم کردار ہے اُنہاں نے کہیو مائی بھارت رضاکار پروگرام پیدل یاترہ یووا کنٹ تے ماری بھارت پورٹل جیسا کئی پروگرام حکومت غی طرفوں چلایا جارہیا ہیں تاجے نوجوان نسل نانہ ملک غی تعمیر مانہ جوڑیو جاسکے اُنہاں نے نوجواناں تیں اپیل کی ہے کہ مائی بھارت پورٹل تیں جڑیں۔ مرکزی وزیر نے کہیو مائی بھارت غا رضاکاراں نانہ تیارکیو جے غو کہ وہ سرکارے سکیمان نانہ سمجھیں تے اُس نانہ دوجا توڑی پُجاویں پٹنہ مانہ اُنہاں نے نوجواناں تیں کہیو اگے آوین تے وزیر اعظم نریندر مودی غا وکست بھارت غا خواب نانہ پورا کرن مانہ مدد کریں۔

KOHLI

بھارت غا عظیم بلے باز ویراٹ کوہلی نے ٹسٹ کرکٹ تیں سنکدوش ہون غو اعلان کردتو ہے اُنہاں نے 14 براں توڑی ٹسٹ کرکٹ مانہ ملک غی خدمت انجام دتی ہے اُنہاں نیاپنی سبکدوشی بارے اک سماجی میڈیا پوسٹ مانہ جانکاری دتی ہے ٹسٹ کرکٹ تیں سبکدوشی غا اعلان سنگ ٹسٹ کرکٹ غا اک دور غو خاتمو ہو گیو ہے 14 براں غا ٹسٹ کریر غے دوران ویراٹ کوہلی نے 1 سو 23 مقابلوں مانہ 9 ہزار 2 سو 30 رن سکور کیو تے اس راہ اُنغی اوسط 46 عشرہ اٹھ 5 فی صدی ربی ویراٹ کوہلی بھارت غا چوتھا سب تیں زیادہ دوڑ بنان آلا ٹسٹ کرکٹر رہیا ہیں وے سچن ٹنڈلکر رابل دراوڈ تے سنیل گوسکر غیبعد ٹسٹ کرکٹ مانہ بھارت غا سب تیں متا رن بنان آلا کرکٹر غا طور ور جانیا جئیں گا۔

BCCI IPL

بی سی سی آئی غا ایب صدر راجیو شکلا نے کہیو ہے کہ بورڈ غا عہدیداد تے آئی پی ایل گورننگ کونسل اج اجلاس کرے گی تانبجے معطل شدہ ٹی 20 لیگ نانہ مکمل کرنغو بہترین وقت غو فیصلو کیو جاسکے بھارت تے پاکستان غے بشکار جنگ بندی غا اعلان تیں بعد یوہ اجلاس ہو رہیو ہے پہلگام دہشت گرد حملہ تے اُس تیں بعد آپریشن سندھور تیں سرحد ور کشیدگی ہون غی وجہ سنگ آئی پی ایل نانہ جمعہ آلے تہاڑے روک دتو گیو تھو لیگ غا 16 مقابلہ باقی ہیں جن مانہ 12 لیگ سٹیج مقابلہ تے چار پلے آف سٹیج مقابلہ شامل ہیں۔
